


امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور.



مسلکمزہ موافق آثار قبول اولنور.
درج اولنمایان اوراق اعادہ اولنماز.

معاونت

ادارہ خانہ سی باب عالی جادہ سندہ
۵۲ نومرولی « شرکت مرتبیہ »
مطبعہ سیدر.



استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر.

نسخہ سی ۱ غروش

پنجشنبه کونہری نشر اولنور ادبی، فنی و صناعی غزتر در

نسخہ سی ۱ غروش

اولادینی مارت و نیسان آیلرنده حیواناته مدار انتعاش اوله جق وقارلرینه شیشکلنک و یرمیه جک هندبا کی برات یوقدر.

۴ — هندبا ایله بسیله ن حیوانلرک اتی دها لطیف ویای دها مبدولدر.

۵ — یبانی هندبا سنده ایکی، اوچ دفعه بیچیلیر. اولدقجه وسعتلی برزمینه دیکله جک اولورسه لازم اولدقجه تدریجاً تشرین اول آینه قدر بیچیلیر. صوکره دن ایکنجی محصول یتیشور. یالکر صاپلرینی پک اوزامغه بر اقاملیدر. چونکه او زمان یپراقلری سرتلشه جکندن استفاده ایدیه مر. برده محصول نه قدر صیق بیچلیرسه نباتده اودرجه طراوت کسب ایدر. هندبا تخمی برهکستار طوپراغه یکریمی غرام نسبتنده ایلک بهار ایله صوک بهارده دیکیلیر. ایستر صاوورمه اصولنده، ایستر انکلتزده اولدینی کبی یکریمی ساتیمترو بر فاصله ایله منتظم چیزکیلر اوزرنده دیکله بیلیر.

فقط هر سنه طوپراغی تمیز طومتق ایچون سورکولمک شرطدر.

﴿ لوازم بیتیہ ﴾

آرمود طاتلیسی

آرمود طاتلیسی پک لذیذ اولوب یازین یاییلان طاتیلرک جمله سنه فاقدر. طاتلیسی یاییله جق آرمودلر طاتلی ویومشاق اولمالی انتخاب ایدیلن آرمودک جنسنه کوره طاتیلر بعضاً بیاض بعضاً قرمز اولور. چونکه بعض آرمودلرک رنگی پیشدکدن صوکره قرمز یلاشیر.

طاتلی یاییله جق آرمودلردقته صویلوب پارچه پارچه کسیلیر. چکر دکار یله سرت

طرفلری چیقاریلیر. آرمودلر طاتیلوب درت کیلو آرموده اوچ کیلو نسبتنده توز شکری قاتیلوب بر طوپراق تجربیه قونیلور. شکر ایله آرمود بر برینه قاتیلهرق آره صره قارشیدرلق اوزره آلتی ساعت قدر صوده ایصلادیلور. شکر تمامیه اریدکدن صوکره برلنکر ایچنه بوشالیدلوب خفیف بر آتیشه قونیلور. طاتلینک دبی طومتاق ایچون آره صره قارشیدر مالیدر. آرمودلر شفاف برزنک کسب ایتدکاری زمان تمامیه پیشمش بولندجقلرندن قابله تقسیم ایتملی. فقط بر ساعت بعضاً دها زیاده پیشیرلمسی شرطدر. آرمود طاتلیسی مدت مدیده محافظه ایدیه بیلیر. یاز موسنک نهایتنه دوغرو بر آز طونه جق اولسه بیله ماهیتنه هیچ برخلل کیلوب بالعکس دها کوزلشیر. اگر طاتلینک دها نفیس اولسی ایستد نیلور ایسه اوفاق پارچه هیئتنده بر آز وانیلیا قاتمیلیدر.

اگر آرمودلر پک اوفاق اولور ایسه اوفاق پارچه لره بولمکسزین پیشیرمیلی. او حالده طبخ ایتزدن مقدم آرمودلر کموش آغزلی بر بچاق ایله صویلوب صاپک یاریسی آرمودک اوزرنده براقیلیر. آرمود صو یولدقجه بر طرفدن آنلری قرارمقدن محافظه ایچون لیون عصاره سیله مخلوط صغوق صویه آتملیدر. کموش آغزلی بچاقله آر مودلرک صویلمسند بیوک خاصه واردر. چونکه چلیک بچاق ایله آیقلا نه جق اولورلر ایسه رنگلری سیاهلاشیر. بوندن صوکره مناسب مقدارده شکر علاوه سیله برکیلو شکره یاریم لیتره نسبتنده صو قونیلهرق بر قابه وضع اولوب آتیشه کوستر یلیر. آرمودلر شفاف برزنک آلدقندن صوکره آتشدن قالدیریلوب بللور قابله بوشالیدیلور.

آبوا بیتیہ سی

آبوالر کوزلجه سیلندکدن صوکره صو ایله ملو بر تجربیه قونیلور. آبوالر بر صمان چوپی باه جق درجده یموشه ییجه قدر شدتلی آتیشه معروض بولمیلیدر. صوکره تجربدن چیقاریلوب صغومتلی. تخته یاخود فیل دیشندن معمول بر بچاقله پارچه پارچه طوغرانوب بر طوپراق قابه وضع ایله اوستنه صغوق صو دو کیلوب اون ایکی ساعتدن یکریمی درت ساعته قدر صوده براقیلور. بعده برسوزکچ ایچنه قونیلوب ایکی ساعت قدر صوی سوزدیریلور. آبودن چقان بو عصاره طاتیلوب بش یوز غرام عصاره آلتی یوز غرام نسبتنده توز شکری قاتیلهرق تکرار شدتلی آتیشه کوستر یلور. درت بش طاشم قاینادقندن صوکره کوپورتیلوب قابله توزیع اولنور.

صوی سوزدیریلان آبوا پوصه سندن ده رچل اعمال اولنور. بونک اعمالی ایچون ابوا پوصه سی تخته بر هوان الی واسطه سیله بر سوزکجه ازیلوب درسیله چکر دکاری یکدیگرندن تفریق اولنور. چکیلان عصا رهنک تخمیناً نصفه مساوی مقدارده صو قاتیلوب طاتیلور. کندی ثقلی قدر توز شکری قاتیلهرق آتیشه قونیلور. بش آلتی دقیقه قاینادقندن صوکره قالدیریلوب قابله تقسیم اولنور.

﴿ کوی هکیمی ﴾

(مابعد)

﴿ اعتقانه ﴾

احتقان بر قاق نوعدر. اک ساده سی یالکر صو ایله اجرا اولسانی در. آلتک درونه هوا کیرمه مک ایچون مارپوجنی منفذی